



REPUBLIKA E SHQIPËRISË



REPUBLIKA E SHQIPËRISË  
BASHKIA SHKODËR

Nr. 12772 Prot  
Shkodër, më 13. 9. 2023



SHOQATA E INVALIDËVE  
PARA&TETRAPLEGJIKË  
SHQIPTARË

Nr. 125 Prot  
Shkodër, më \_\_\_\_\_

### MARRËVESHJE BASHKËPUNIMI

E lidhur sot në Bashkinë Shkodër, me datë \_\_\_\_ / \_\_\_\_ / \_\_\_\_\_, ndërmjet palëve si më poshtë vijon:

**Bashkia Shkodër**, me Kryetar të Bashkisë z.Benet Beci, përfaqësuar në këtë marrëveshje me vendim delegimi nga Zv/Kryetari z.Onid Bejleri, mbajtës i dokumentit të identifikimit me nr.110815124V, madhorë me zotësi të plotë për të vepruar, me adresë Rr. 13 dhjetori, Shkodër.  
*dhe*

**Shoqata e Invalidëve Para & Tetraplegjikë Shqiptarë**, e regjistruar në gjykatë me vendimin nr.294, datë 24.06.2002, me kryetar të Shoqatës z.Ndrek Smajli, përfaqësuar në këtë marrëveshje me autorizim nga kryetari i degës/qarkut Shkodër, z.Saimir Ustabeqiri mbajtës i dokumentit të identifikimit 130921087C, madhorë me zotësi të plotë për të vepruar, me adresë: Rruga e Durrësit, Ish Uzina Tirana, Shqipëri.

#### NENI I Objekti

Objekti i kësaj Marrëveshje është bashkëpunimi dhe vendosja e ndërveprimit të përbashkët midis Shoqatës së Invalidëve Para & Tetraplegjikë dhe Bashkisë Shkodër, duke përcaktuar rolet dhe përgjegjësitë e ndërsjellta në zbatimin e ndërhyrjeve të synuara, me qëllim mbështetjen dhe integrimin e individëve me aftësi të kufizuara, që të kenë akses në lëvizje, në një edukim, shërbim shëndetësor e rehabilitues, dhe gjithëpërfshirës, me synimin që të jenë të mbrojtur dhe të marrin pjesë në mënyrë aktive në vendimet që ndikojnë në jetën e tyre.

## **NENI 2** **Baza ligjore**

Kjo marrëveshje bashkëpunimi bazohet në :

- Ligjin nr. 139/2015 “Për Vetqeverisjen Vendore” të ndryshuar;
- Ligjin nr. 7850 datë 29.07.1994 “Kodi Civil i Republikës së Shqipërisë” të ndryshuar;
- Ligjin nr.9062,datë 08.05.2003“Kodi i Familjes i Republikës së Shqipërisë” të ndryshuar;
- Ligjin nr.8788, datë 07.05.2001 “Për Organizatat Jofitimprurëse” të ndryshuar;
- Ligjin nr.121/2016 “Për shërbimet e kujdesit shoqëror në Republikën e Shqipërisë” ;
- Ligjin nr.8626 datë 22.06.2000 “Për Statusin e Invalidit Paraplegjik dhe Tetraplegjik”, të ndryshuar;
- Ligjin nr.10221 date 04.02.2010 “Për mbrojtjen nga diskriminimi” të ndryshuar;
- Ligjin nr. 9355 datë 10.03.2005 “Për ndihmën dhe shërbimet shoqërore” të ndryshuar ;
- V.K.M nr. 658 datë 17.10.2005 “Për standartet e shërbimeve shoqërore”.

## **NENI 3** **Qëllimi i Marrëveshjes**

Kjo marrëveshje ka për qëllim rregullimin dhe forcimin e bashkëpunimit institucional ndërmjet Bashkisë Shkodër dhe Shoqatës së Invalidëve Para & Tetraplegjikë që personat me aftësi të kufizuar para dhe tetraplegjikë të përfitojnë nga realizimi i projekteve të përbashkëta me synim përmirësimin e mirëqënies së jetës dhe gjendjes së tyre sociale, fizike, psikologjike dhe emocionale.

## **NENI 4** **Angazhimet e Palëve**

Për realizimin e marrëveshjes Shoqata e Invalidëve Para & Tetraplegjikë, merr përsipër:

- Të zhvillojë aktivitete gjithëpërfshirëse dhe rehabilituese në bashkëpunim me Bashkinë Shkodër për përmirësimin e kushteve sociale dhe fizike të personave me AK, në veçanti atyre më në nevojë.
- Të mirë administrojë dhe mirëmbajë ambjentet e vëna në përdorim nga Bashkia e Shkodrës me synim integrimin dhe përfshirjen e personave me AK.
- Të bashkëpunojë me rrjetin e qendrave komunitare “Për Familjen” për njohjen dhe vlerësimin e situatës së personave me para e tetraplegji.
- Të bashkëpunojë me Bashkinë Shkodër në hartimin dhe zbatimin e projekteve që kanë në fokus mbështetjen e PAK.
- Të mbështesë Bashkinë Shkodër dhe të kontribuojë në procese vendore që synojnë integrimin e PAK-ve në bashkëpunim me aktorët vendorë që punojnë për njohjen dhe respektimin e të drejtave të tyre në territorin e Bashkisë së Shkodrës.

- Angazhohet të paraqesë pranë Bashkisë Shkodër informacion të shkruar në mënyrë periodike (çdo 6 muaj) mbi ecurinë e aktiviteteve, objekt i kësaj marrëveshjeje, arritjet, problematikat e hasura dhe të dhëna statistikore mbi numrin e përfituesve të shërbimeve të ofruara.

Për realizimin e marrëveshjes Bashkia Shkodër merr përsipër:

- Të bashkërendojë e koordinojë me insitucionet e saj të varësisë dhe me Shoqatën e Invalidëve Para&Tetraplegjikë planifikimin dhe organizimin e aktiviteteve të përbashkëta në kuadër të zbatimit të kësaj marrëveshjeje me qëllim zhvillimin e aktiviteteve gjithëpërfshirëse dhe rehabilituese të personave me AK.
- Të sigurojë ambjente dhe lehtësira infrastrukturore si kontribut nga ana e saj për realizimin e aktiviteteve me dhe për PAK, edhe në rjetin e qendrave komunitare “Për Familjen”.
- Të koordinojë sistemin e menaxhimit të rasteve të identifikuara në bashkëpunim me Shoqatën e Invalidëve Para & Tetraplegjikë.
- Të bëjë pjesë dhe të ftojë Shoqatën e Invalidëve Para&Tetraplegjikë në takimet periodike të OJF aktive në territor.
- Të bashkërendojë me Shoqatën e Invalidëve Para & Tetraplegjikë mundësitë e aksesit dhe të parkimit për PAK, gjatë planifikimeve dhe projektiveve infrastrukturore.
- Të sigurojë në bashkëpunim me Policinë Bashkiake dhe Policinë e Shtetit respektimin e vendparkimeve të dedikuara për personat me aftësi të kufizuar (PAK).
- Të informojë dhe lehtësojë procedurat për mbështetjen siç parashikohet nga ligji në lidhje me shërbimet/përfitimet për PAK dhe familjeve tyre.

## NENI 5

### Përfundimi i marrëveshjes

Secila nga palët mund të përfundojë këtë Marrëveshje në rastet kur:

- a. mbaron afati i kohëzgjatjes i përcaktuar në marrëveshje;
- b. shkelen dispozitat e ligjit dhe të marrëveshjes;
- c. palët nuk i përmbahen qëllimit dhe objektit të marrëveshjes;
- d. për forcë madhore

Secila nga palët duhet të njoftojë palën tjetër me shkrim, jo më vonë se 30 (tridhjetë) ditë përpara përfundimit të marrëdhënieve të Marrëveshjes, duke dhënë sqarime të hollësishme dhe të qëndrueshme mbi këtë ndërprerje.

Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga Marrëveshja deri në çastin e ndërprerjes së marrëdhënieve.

## NENI 6

### Zgjidhja e mosmarrëveshjeve

Mosmarrëveshjet që mund të lindin mes palëve zgjidhen me mirëkuptim, me bisedime ndërmjet tyre, deri në gjetjen e një zgjidhje të përbashkët.

## NENI 7

### Dispozita të fundit

Ngarkohen Drejtoria e Shërbimeve Sociale, Strehimit dhe Shëndetit Publik pranë Bashkisë Shkodër dhe Shoqata e Invalidëve Para&Tetraplegjikë me strukturat e tyre përbërëse për zbatimin e detyrave të parashikuara në këtë Marrëveshje.

Çdo rregullim ose ndryshim në këtë Marrëveshje bëhet vetëm në formë të shkruar dhe nëpërmjet pëlqimit reciprok të palëve.

Marrëveshja mund të përfundojë me njoftimin me shkrim të secilës palë, një muaj pas këtij njoftimi.

Kjo marrëveshje hartohet në gjuhën shqipe, në 4 (katër) kopje, nga 2 (dy) kopje për secilën palë, të cilët pasi bien dakord e nënshkruajnë atë rregullisht.

## NENI 8

### Hyrja në fuqi

Kjo Marrëveshje hyn në fuqi nga momenti i nënshkrimit të saj dhe i shtrin efektet deri në datën 01/09/2024.

PËR  
BASHKINË SHKODËR  
KRYETAR  
ME VENDIM DELEGIMI  
Z/KRYETAR  
Onid BEKLERI



PËR  
SHOQATËN E INVALIDËVE  
PARA&TETRAPLEGJIKË  
KRYETAR I DEGËS/QARKUT  
SHKODËR  
Saimir USTABEQIRI

